



# **Universitätsbibliothek Paderborn**

**Formularium Episcopale**

**Barbosa, Agostinho**

**Coloniae Agrippinae, 1680**

8. Declaratio regulae à Pio IV. editae super expressione gradus propinquioris in dispensationibus matrimonialibus pro conjunctis in diversis gradibus.

**urn:nbn:de:hbz:466:1-10456**

Declaratio Regulae à Pio V. editæ super expressione, gradus propinquioris in dispensationibus Matrimonialibus in diversis gradibus.

## VIII.

Part. 3. allegat. 35.

**S**anctissimus in Christo Pater, & Dominus noster D. Pius divina providentia Papa V. attendens per quandam constitutionem dum per fel. rec. Pium Papam IV. Sanctitatis suæ prædecessorem editam, qua cavitur, quod in dispensationibus Matrimonialibus, pro diversis consanguinitatis, seu affinitatis ex eodem stipite provenientibus gradibus conjunctis, non remotioris solum, prout olim fieri solet, sed etiam propinquioris graduum, expressa mentio fieri debeat, alioquin dispensationes, ac desuper confessæ litteræ nullius sint roboris, vel momenti, prout in dicta constitutione plenius continetur, à dispositione juris communis, & laudabili ac antiquo Rom. Curiæ stylo nimirum recedi, ac favorem matrimonii debitum restringi; volensque propterea juri & stylo prædictis, nec non pia mem. Gregor. XI. & Clementis VI. Romanorum Pontif. etiam sanctitatis suæ prædecessorum, vestigiis inhærendo, Sacramento & libertati matrimonii, quantum cum Deo potest, favere, statuit & ordinavit, ut de cetero in quibusunque dispensationibus, quas pro matrimonii contra-

etis aut contrahendis inter viros & mulieres, in vicem diversis prohibitis consanguinitatis, seu affinitatis, aut mixtis ex communi, seu ab eodem stipite surgentibus, quicunque illi sint, dummodo primum quoque modo non attigant, cum in eo sanctitas sua nunquam dispensare intendat, gradibus conjunctos, ab eadem sanctitate sua, & pro tempore Romano Pontifice, aut Sede Apostolica impetrari, vel alias concedi contigerit, ac litteris commissionibusque desuper etiam locorum Ordinariis faciendis, gradus, gradus remotior attendatur, trahatque secum propinquorem, ac ob id sufficiat remotiorem tantum gradum exprimere, obtentis tamen postea super propinquiore litteris declaratoriis, juxta Gregorii & Clementis prædec. hujusmodi constitutio-nes, quas quoad hoc innovavit, & in violabiliter observari mandavit, dispensationesque, seu dispensandi commissiones, ac desuper confessas litteras, & processus habitos per easdem, dispensatis, seu his, cum quibus dispensari mandatur, propter proximioris gradus hujusmodi non expressio-nem de subreptionis, vel obreptionis vitio, seu intentionis defectu notari non posse, sed in omnibus & per omnia suffragari; perinde ac si in litteris, seu commissionibus hujusmodi de proximiore, seu utroque gradu specia-lis & expressa mentio facta fuisset. Sicque per quoscunque judices & com-missarios, etiam S. R. E. Cardinales, sublata eis quavis aliter judicandi, & interpretandi facultate, judicari & de-

Inire debere , ac quidquid secus super his à quocunque quavis auctoritate , scienter vel ignoranter attentari contigerit; irritum & inane decrevit; constitutioni Pii prædecessoris hujusmodi cæterisque contrariis non obstantibus quibuscumque

*Placet, publicetur, & deteri-  
batur. M*

*Lecta & publicata fuit suprascrip-  
ta Regula Rome in Cancellaria Apo-  
stolica, anno Incarnationis Dominica  
millesimo quingentesimo sexagesimo  
sesto, die vero Martis vigesima men-  
sis Augusti, Pontificatus prefati S.D.N.  
Pij Papæ quinti anno primo.*

---

Declaratio super decretis Concilii Tridentini , de cognatione spirituali , & affinitate ex fornicatione , ac matrimonii desuper contra-  
Etis, & contrahendis.

IX.

Part. 2. allegat. 35.

*S*anctissimus in Christo Pater , & Dominus noster, Dominus Pius di-  
vina providentia Papa V. ad cuius no-  
tiam pervenit, quod cum in Decretis Sacri Concilii Tridentini certæ tan-  
tum personæ enumerentur, inter quas dumtaxat cognatio spiritualis dein-  
ceps contrahatur, ab aliquibus revo-

catur in dubium , an qui ultra perso-  
nas in dictis decretis enumeratas,  
quoquo modo cognatione spirituali  
ante confirmationem dicti Concilii  
conjuncti erant , absque dispensatione  
Apostolica Matrimonium post di-  
ctam confirmationem contrahere po-  
tuerint , ac hodie & de cætero con-  
trahere possint , cùm ante prædi-  
ctam confirmationem id facere de ju-  
re minimè liceret. Et insuper cùm  
in eisdem decretis statuatur , affinita-  
tem, quæ ex fornicatione contrahitur,  
in illis solummodo attendi debere  
qui primo vel secundo affinitatis gra-  
du conjunguntur ; ab aliquibus pari-  
ter dubitetur , an matrimonia inter  
personas, quæ ante confirmationem  
dicti Concilii, tertio, vel ulteriori hu-  
jusmodi affinitatis gradu conjunctæ  
erant, post confirmationem eisdem  
Concilii absque dispensatione Apo-  
stolica contracta , & quæ deinceps  
contrahi contigerit, dirimi debeant:  
Sanctitas sua ad tollendum omne du-  
biū, eos qui ante confirmationem  
prædicti Concilii cognationem spiri-  
tualem contraxerunt, dummodo non  
sint ex personis in dictis decretis enu-  
meratis, & inter quas tantum Concili-  
um voluit deinceps contrahi hanc co-  
gnationem spiritualem , matrimonii  
vinculo inter se absque dispensatione  
aliquilibet , & licet copulari posse;  
ac matrimonia etiam post confirma-  
tionem hujusmodi , absque dispensa-  
tione Sedis Apostolicæ inter eas jam  
contracta valere, plenamque roboris  
firmitatem obtinere. Et similiter ma-

xiime